

WHAKARAUPAPAHIA TE KŌRERO

Kei te noho nanu ēnei rerenga kōrero. Whakaraupapahia ngā rerenga kōrero kia mārama ai te kōrero. Tekau mā rua katoa ngā rerenga.

	Ka mutu te pakanga nui nei ka eke panuku a Ngāti Kurī ka tau hoki ki te pā o Peketā. Ka mahue atu a Ngāti Māmoē ki te tonga i waho atu i te rohe o Ngāti Kurī.
	Tū ana te pā o Peketā ki runga i te kūrae e whakakaurera atu ki te tai o Marokura.
	Ko te rauhanga ia kia tīmoretia mai a Ngāti Māmoē ki waho o te pā, ka kuhu a Te Rākaitauheke te matua kēkē o Makō ki te kiri o te kekeno.
	Paokatia te pokohiwi a Maru ki te koikoi ka whara rawa. Ka kite a Makō kua raru tōna tuakana, ka whakarei atu ki te parepare i a ia.
	Heoi kīhai rātou i mōhio e whanga ana te kauaeroa o Ngāti Kurī a Makō, a Maru, tā rāua taina a Kahupupuni me ngā toa horopū a Kurī.
	Ka urutomokia atu a Ngāti Māmoē, ka tāroretia, ka tīmata te whawhai.
	Nā te āwhina a tōna taina a Kahupupuni ka tōia a Maru ki te wāhi haumaru.
	I konei, i Ōpōkihi, i kitea te hautoa o Makō ki roto i tana māia, i roto i āna mahi whawhai, ā, i ora tuakana i a ia.
	Ko te āhua ia kua ū mai te kekeno ki uta. He tino kai tēnei nā te nui o te pūmua kei roto, ā, he āheinga tēnei i tō mai i a Ngāti Māmoē ki waho o te pā tūwatawata ki tātahi.
	Ka noho a Ngāti Kurī i te takiwā o Kaikōura.
	Tūohorere ana ngā toa o Ngāti Māmoē, ka aruarungia.
	Ka whakatata atu a Ngāti Māmoē ki a Te Rākaitauheke, ka tūpeke, ka whati atu te oma i te one.

Makō - whakaraupapahia te kōrero Ngā whakautu

1	Ka noho a Ngāti Kurī i te takiwā o Kaikōura.
2	Tū ana te pā o Peketā ki runga i te kūrae e whakakaurera atu ki te tai o Marokura.
3	Ko te rauhanga ia kia tīmoretia mai a Ngāti Māmoe ki waho o te pā, ka kuhu a Te Rākaitauheke te matua kēkē o Makō ki te kiri o te kekeno.
4	Ko te āhua ia kua ū mai te kekeno ki uta. He tino kai tēnei nā te nui o te pūmua kei roto, ā, he āheinga tēnei i tō mai i a Ngāti Māmoe ki waho o te pā tūwatawata ki tātahi.
5	Ka whakatata atu a Ngāti Māmoe ki a Te Rākaitauheke, ka tūpeke, ka whati atu te oma i te one.
6	Tūohorere ana ngā toa o Ngāti Māmoe, ka aruarungia.
7	Heoi kīhai rātou i mōhio e whanga ana te kauaeroa o Ngāti Kurī a Makō, a Maru, tā rāua taina a Kahupupuni me ngā toa horopū a Kurī.
8	Ka urutomokia atu a Ngāti Māmoe, ka tāroretia, ka tīmata te whawhai.
9	Paokatia te pokohiwi a Maru ki te koikoi ka whara rawa. Ka kite a Makō kua raru tōna tuakana, ka whakarei atu ki te parepare i a ia.
10	Nā te āwhina a tōna taina a Kahupupuni ka tōia a Maru ki te wāhi haumaru.
11	Ka mutu te pakanga nui nei ka eke panuku a Ngāti Kurī ka tau hoki ki te pā o Peketā. Ka mahue atu a Ngāti Māmoe ki te tonga i waho atu i te rohe o Ngāti Kurī.
12	I konei, i Ōpōkihi, i kitea te hautoa o Makō ki roto i tana māia, i roto i āna mahi whawhai, ā, i ora tuakana i a ia.